

ପିତର ଲିଖିତ ପ୍ରଥମ ପତ୍ର ପିତର ଲେକ୍ତାଦ୍ ପ୍ରତମ୍ ଚିଟି ପିତର ବଇ ବିଷୟରେ ଅଣ୍ଟାୟ ପଦ୍

ପିତରୁତେ ମୁନେତ୍ ଚିଟି ପ୍ରେରିତ୍ ପିତରୁ ତତ୍ ଲେକା ଆସ୍ମାତ୍ତେ । ପିତରୁ ଅଣ୍ଟା ବେନ ମେଣ୍ଟେ ଅଣ୍ଟା ବେନଙ୍କ୍ ଇଦ୍ ଚିଟି ଲେକ୍ତଣ୍ଟ ଆଦ୍ ବିଷୟରେ କେସ୍ ଚିଟି ଲେକ୍ତଣ୍ଟ । ଅଣ୍ଟା ଇଦ୍ ଚିଟିତାଗ୍ ସାରେ ଗାରେତଡ୍ କ୍ରିଷ୍ଟିୟାନ୍ ନାରୁଡ୍‌କିଙ୍କ୍ ଉଲେକ୍ ମାଡି ଚିଟି ଲେକ୍ତଣ୍ଟ । ୧:୧; ୧:୧୭ ମେଣ୍ଟେ ୨:୧୧ ଅଣ୍ଟା ତାନ୍ କାର୍ତ୍ତାନଡ୍‌କିଙ୍କ୍ ଇଦ୍ ରକମ୍ ଉଲେକ୍ ମାଡି ଲେକିତଣ୍ଟ, ବାତେଙ୍କ୍‌ଇଡ୍‌କେ ଅଡ୍ ଝେରେଝେରେ ଦେଶ୍ ଚିନ୍‌ବିନ୍ ଆସ୍ମାତ୍ତେ । ବାତେଙ୍କ୍‌ଇଡ୍‌କେ ଇଦ୍ ଚିଟି ବେସ୍‌କେ ଏଫିସିୟ ମଣ୍ଡୁଲି ଗାରେ ପାଉଲ୍‌ରେ ଚିଟି ଲେକାମ୍ ଆଦ୍‌ତେ । ନାଗେ ନାରୁଡ୍ ବିଶ୍ୱାସ୍ ମାଡିତଡ୍ ଯେ, ମୁନେତ୍ ପିତରୁ ଜିସୁ କ୍ରିଷ୍ଟନ୍ ଜନମ୍‌ତେ ୬୫ ଏଣ୍ଟକ୍ ପେକେ ଲେକା ଆସ୍ମାତ୍ତେ । ପିତରୁ ଇଦ୍ ଚିଟି ରୋମ୍‌ତାଗାଙ୍କ୍ ବେନଙ୍କ୍ ଅଣ୍ଟା ବାବ୍‌ବିଲ୍ ଇଞ୍ଜ କେଡିତଣ୍ଟ ଆଗାଙ୍କ୍ ଅଣ୍ଟା ଲେକିମାଡ୍‌ତଣ୍ଟ ୫:୧୩ ।

ପିତରୁ ଇଦ୍ ଚିଟିତାଗ୍ ବର୍ଣ୍ଣନା ମାଡିତଣ୍ଟ ଯେ, ଇଦ୍ ଚିଟିତ୍ ଉଦ୍ଦେଶ୍ୟରେ ମିକିଂଙ୍କ୍ ସାହାସ୍ ଇଦାନ୍ ମାୟ୍‌ଦିଙ୍କ୍ ମେଣ୍ଟେ ଇଶ୍ୱରରେ ନିଜାମ୍ ଦୟା ପରିକ୍ଷା ମାଡାନ୍ ଦର୍କାର୍ ୫:୧୨ । ଇଗେ ନାଗେ ସାମାନ୍ ବିଷୟ ମିନ୍ଦେ ଯଥା ୧ ପିତରୁ ୨:୧୧-୩:୭; ଏଫିସିୟ ୫:୧୮-୬:୯ ମେଣ୍ଟେ କଲସୀୟ ୩:୧୮-୪:୬ । ଇଦ୍ ମୁଣ୍ଟ ଚିଟିରେ ସାରେ ଅଦ୍ୟାୟତାଗ୍ ପାରିବାରିକ୍ ସମ୍ପର୍କ ମେଣ୍ଟେ ଅଦିକାର୍ ବିଷୟରେ ନିର୍ଦ୍ଦେଶନା ଇଦ୍‌ତେ । ମାଡେଙ୍କ୍ ସମୟ ଗାରେ ଏସ୍ତୁତାଙ୍କ୍ କଷ୍ଟ ସମୟରେ ଗାଲା କଟ୍ ମାନ୍ଦାନଙ୍କ୍ କ୍ରିଷ୍ଟିୟାନ୍ ନାରୁଡ୍‌କିଙ୍କ୍ ସାହାସ୍ ଇଦ୍‌ତଣ୍ଟ ୪:୧ ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ପିତର ତାନ୍ କାର୍ତ୍ତବ୍ୟତାକୁ ନିଜର ପରିଚୟ ଇଦତ୍ତ । ୧:୧-୨
୨. ପିତର ଇଶ୍ଵରଙ୍କ ଦନ୍ୟବାଦ ଇଦତ୍ତ ଯେ, ସାରେ ଇଶ୍ଵରତେ ପରିତ୍ରାଣତେ ଅଂଶି ଆଦତ୍ତ ବାଦ୍ ଅଡ୍ ଜିହ୍ଵାତାଗ୍ ଆଦତେ । ୧:୩-୨:୧୦
୩. ପେକେ ଜଗତ୍ତାଗ୍ ବେଲା ସାୟେ ଲେକାମ୍ ବାଦକାନଙ୍କ ଆଦତେ ମେଣ୍ଟେ ମୁଦ୍‌ପାଲ୍ ନୁ ମୁତେ, ପ୍ରବୁ ନୁ ଦାସ ଲୋପେ ବେଲା ସମ୍ପର୍କ ମାନ୍ଦାନ୍ ଦରକାର୍ ଆଦ୍ ନିର୍ଦ୍ଦେଶନା ଇଦତ୍ତ । ୨:୧୧-୪:୧୧
୪. ଇଦିନ୍ ପେକେ କଷ୍ଟ ସମୟତେ କଟ ମାନ୍ଦାନ୍ ମାୟଦିଙ୍କ ପିତର ସାହାୟ ଇଦତ୍ତ । ୪:୧୨-୫:୧୧
୫. ଅଣ୍ଟ ତାନ୍ ଚିଟି ଲେକି ତେରସ୍ତିତ୍ତ । ୫:୧୨-୧୪

^୧ ନାନ୍ ପିତର, ଜିସୁ କ୍ରିଷ୍ଟନ୍ ଝେରଣ୍ଟ ପ୍ରେରିଡ୍ ଶିଷ୍ୟ । ଏକାମ୍ ଆସ୍ ମାନ୍ଦାନ୍ ପତ୍ର, ଗାଲାତୀୟା, କାପାଦକିଆ, ଏସିଆ ନୁ ବିତୁନିଆ ଦେଶକିନାଗ୍ ଚିନ୍‌ବିନ୍ ଆସ୍‌ମାନ୍ଦାନ୍ ଇଶ୍ଵରତେ ଏଞ୍ଜିମାନ୍ଦାନ୍ ନାରୁଡ୍, ଗାରେ ଇଦ୍ ଚିଟି ଲେକ୍‌ତାନ୍ ।

^୨ ମୀଇଡ୍ ବାବାଲ୍ ଇଶ୍ଵରତେ ଆଲ୍‌ସାନ୍ ମନ୍‌ଦେ ଏଞ୍ଜିତେନଡ୍ । ଜିସୁ କ୍ରିଷ୍ଟନ୍ ଗର୍ ପାଲନ୍ ମାଡି ଅନ୍ ନେତୁରତେ ସୁସ୍ଥ ଆଦାନ୍ ସେଙ୍ଗେ ମୀଇଡ୍ ପରମାଆମ୍ ତଡ୍ ଝେରଡ୍ ପବିତ୍ର ଜିଞ୍ଜା ଆସ୍‌ମିନ୍‌ଦେଡି । ଇଶ୍ଵରତେ ଅନୁଗ୍ରହ ନୁ ଶାନ୍ତି ନାଗେଆସ ମୀଇ ପରୁ ଆୟି ।

ଝେରଡ୍ ଜିଝେତେ ଆଶେ

^୩ ମାନ୍ ପ୍ରବୁ ଜିସୁ କ୍ରିଷ୍ଟନ୍ ବାବାଲ୍ ଇଶ୍ଵର୍‌ଙ୍କ ଦନ୍ୟବାଦ ଇଦତମ୍, ବାତେଙ୍କକ୍‌କେ ଅଣ୍ଟ ତାନ୍ ନାଗେ ଦୟାତେ ଜିସୁ କ୍ରିଷ୍ଟଙ୍କ ତଲ୍‌ତାଗାଙ୍କ୍ ତେସ୍‌ମିକା ମାନାଙ୍କ୍ ପୁନେଃ ଜିଝେ ଇଡତନ୍ । ଇଦ୍ ମାନାଦ୍ ଜିଝେ ଆସେ ସାରେମାଡ୍‌ତନ୍ ।

^୪ ଆଦିଙ୍କ୍ ଇଶ୍ଵର ତାନ୍ ନାରୁଡ୍ ସେଙ୍ଗେ ବେନ୍ ନାଗେ ମୁଲ୍ୟ ଆଶର୍‌ବାଦ୍ ନେଃଡତନ୍, ଆଦ୍ ପାଏମ୍ ଆଦାନ୍ ସେଙ୍ଗେ କେପିମିନ୍‌ଦେମ୍ । ଆଦ୍ ଅଣ୍ଟ ସ୍ଵର୍ଗତାଗ୍ ସାୟେମାଡି ନେଃଡଣ୍ଟ, ଆଗେ ଆଦ୍ ବେସୁଙ୍କ୍ ତେରର, ନଷ୍ଟ ବା କାର୍‌କ୍ ପୟ ।

୫ ତେରାନ୍ ଦିନେତେ ବେନ୍ ପରିତ୍ରାଣ ସାରେ ଆଦତେ, ଆଦ ପାଏମ୍ ଆଦାନ୍ ସେଙ୍ଗେ ମିଡ଼୍ ବିଶ୍ୱାସ୍ ତଡ଼୍ ଇଶ୍ୱରତେ ଶକ୍ତିତେ ସୁରକ୍ଷିତ୍ ଆଡ଼ତିଡ଼୍ ।

୬ ଆଦିଙ୍କ ମିଡ଼୍ ଖେଡ଼କାର୍, ଯଦି ବା ବସ୍ ବେସଡ଼ ଦୁଃକାମ୍ ସେଙ୍ଗେ ମିକିଂଙ୍କ ଇଞ୍ଜେ ସୁଦୁର୍ ସମୟ ସେଙ୍ଗେ ଦୁଃକାମ୍ ଆଦାଙ୍କ ଆଦପାରଦତେ ।

୭ ମିୟାଦ ବିଶ୍ୱାସ୍ତେ ପରିସ୍କାରତେ ପରିକ୍ଷା ମାଡ଼ାନଙ୍କ ଇଦ୍ ସାରେତାଦ୍ ଉଦ୍ଦେଶ୍ୟ । ତେରାନ୍ ସୁନାତିଙ୍କ କିସ୍ତାର୍ ପରିକ୍ଷା ମାଡ଼ିତନ୍ । ମିୟାଦ ବିଶ୍ୱାସ୍ ସୁନାତାଗାଙ୍କ ଅଦିକ୍ ମୁଲ୍ୟବାନ୍ ଆଇନାଙ୍କ ପରିକ୍ଷାତେ ଆଦିଙ୍କ ସାୟେ ମାଡ଼ାନାଦ୍ ଦର୍କାର୍ । ଆଦ୍ ଆଦଦେ ପାକେ, ଜିସୁ କ୍ରିଷ୍ଟ ପ୍ରକାଶ୍ ଆଦାନ୍ ଖେଲେ, ମିକିଂଙ୍କ ପ୍ରଶଂସା, ଗୌରବ୍ ନୁ ସମ୍ମାନ ଦକ୍ତେ ।

୮ ଇଞ୍ଜେ ମିଡ଼୍ ଅଙ୍କ ଉଡ଼କର୍ ମାଡ଼କେ ମିକା ପ୍ରେମ ମାଡ଼ଡ଼ିଡ଼୍ ନୁ ଅନାଗେ ବିଶ୍ୱାସ୍ ମାଡ଼ଡ଼ିଡ଼୍ ମେଣ୍ଡେ କେତାନଙ୍କ ଆଇଞ୍ଜାଦ୍ ନୁ ଗୌରବ୍ ତଡ଼୍ ମିଡ଼୍ ସାଦେ ଆସ ମିନ୍ଦେଡ଼ି ।

୯ ମେଣ୍ଡେ, ଆଦ୍ ବିଶ୍ୱାସ୍ତେ କାୟେ ଲେକାମ୍ ଆମ୍ବାନ୍ ପରିତ୍ରାଣ ଦରକ୍ତେ ।

୧୦ ଇଦ୍ ପରିତ୍ରାଣ ବିଷୟତେ ବାବବାଦୀନଡ଼୍ ମନ୍ ଇସ୍ ମେହେକି ନୁ ଆନୁସନ୍ଦାନ ମାଡ଼ି, ଇଶ୍ୱର ମାଡ଼ତେ ଦାନ ବିଷୟତେ ବବିଷୟତ୍ ଗର୍ କେସମାଡ଼ତଡ଼୍ ।

୧୧ ଆଦ୍ ଦାନ ମିଡ଼୍ ବେସୁଙ୍କ ନୁ ବେଲାନ ପାଏମ୍ ଆଦତିଡ଼୍, ପୁନ୍ଦାନ୍ ସେଙ୍ଗେ ଅଡ଼୍ ଚେଷ୍ଟା ମାଡ଼ିମାଉଡ଼୍ । ଇଦ୍ ସମ୍ପର୍କତେ ପବିତ୍ରଆମ୍ବା ସାହାଯ୍ୟତେ ଅଡ଼୍ କ୍ରିଷ୍ଟଙ୍କ ଦୁଃକାମ୍ ନୁ ମେଣ୍ଡନ୍ ଲେକେଡ଼ ଗୌରବ୍ ବିଷୟତେ ସୂଚନା ଇସ୍ ମାଡ଼ତଡ଼୍ ।

୧୨ ଇଶ୍ୱର ଆ ବାବବାଦୀଡ଼୍ ପାକେ କେଡ଼ତନ୍ ଯେ, ଅଡ଼୍ ନିଜେଡ଼୍ ସେବା ମାଡ଼ଖେ ମାଡ଼ତଡ଼୍ । ଅଡ଼୍ ବାତେ କେସମାଡ଼ତଡ଼୍, ଆଦ୍ ମାଈ ସେଙ୍ଗେ ଟିକ୍ ମାଡ଼ତେ । ସ୍ୱର୍ଗତାଗାଙ୍କ ଖାଦାନ୍ ପବିତ୍ରଆମ୍ବାନ୍ ଶକ୍ତିତେ ଇଞ୍ଜେ ବେନ୍ ଗଟି କେଡ଼ତାନଡ଼୍ ସୁସମାଚାର ପ୍ରଚାର ମାଡ଼ଡ଼ିଡ଼୍, ମିଜଡ଼୍ ଇଞ୍ଜେ ଅଡ଼୍ ଆଗାଙ୍କ ଆଖୁସାରେ ଗଟି କେଞ୍ଜୁଡ଼ିଡ଼୍ ଇଦ୍ ସାରେ ବିଷୟତେ ଅର୍ଥ ବୁଜେମ୍ ଆଦାନ୍ ସେଙ୍ଗେ ସ୍ୱର୍ଗଦୂତକି ମିକା ଡିଆର୍ ।

ପବିତ୍ର ଜିଝେ ବାଦ୍‌କାନଙ୍କ ଆଖାନ

୧୩ କାମ୍‌ମାଡାନଙ୍କ ତିଆର୍ ଆୟମୁର୍ । ତିଆର୍‌ତେ ମାଞ୍ଜି ଜିସୁ କ୍ରିଷ୍ଟ
ଝାଦାନ୍ ସମୟତେ ବେନ୍ ଆର୍ଗି ବାଦ୍ ମିକିଙ୍କ ଇଦତନ୍, ଆଦିନ୍ ପରୁ
ନିଜାମ୍‌ତେ ଆଗେ ନେଏମୁର୍ ।

୧୪ ଇଶ୍ବରତେ ଗଟି ପାଲନ୍ ମାଡାର୍ । ପୁନ୍‌ଝେ ଝେଲେ ମୁନେଙ୍କ
ବେନ୍ କାରାପ୍ ଅବ୍ୟାସ୍ ତଡ୍ ମାଡତିଡ୍, ଆଝୁସାରେ ତଡ୍ ମୀଇ
ଜିଝେତାର୍ ମେଣ୍ଡେ ଚାଲେମ୍ ଆୟମାକି ।

୧୫ କିନ୍ତୁ ମିକିଙ୍କ କାର୍‌କାମଣ୍ଡ ଇଶ୍ବର ବେଲାନ୍ ପବିତ୍ର, ମୀଇଡ୍,
ନିଜେ ନିଜେଡ୍ ବ୍ୟବହାର ତଡ୍ ଆଦ୍ ଲେକାମ୍ ପବିତ୍ର ଆୟମୁର୍,

୧୬ ଶାସ୍ତ୍ରତାର୍ ଲେକାମିନ୍ଦେ, “ମିଡ୍, ପବିତ୍ର ଆୟମୁର୍,
ବାଡେଙ୍କିକ୍‌କେ ମାମ୍ ପବିତ୍ର ।”

୧୭ ଇଶ୍ବର ସାରେତଡ୍‌ଝାଦ୍ କାମ୍‌ମାଡ୍‌ତେ ଲେକାମ୍ ଚିମ୍‌ସାମ୍‌ତେ
ସାରେତଡ୍ ବିଚାର୍ ମାଡିତନ୍ । ମୀଇଡ୍ ଅନ୍ ପାକେ ପ୍ରାର୍ଥନା
ମାଡାନ୍‌ଝେଲେ ଅଙ୍କ ବାବାଲ୍ ଇଞ୍ଜ ପ୍ରମାନ୍ ମାଡି ମାନ୍‌ମୁର୍ ।
ଆଲେଇକ୍‌କେ, ଇଦ୍ ଜଗତ୍‌ତାର୍ ମୀଇ ଜିଝେତାର୍ ଆ ସମୟତେ ଅଙ୍କ
ବେସର୍ ବକ୍ତି ମାଡତିଡ୍ ଆଦେଲେକାମ୍ ମାଡାର୍ ।

୧୮ ମୀଇଡ୍ ପୁଡତିଡ୍ ମୀଇ ମୁନେଙ୍କତେ ନାରୁଡ୍‌ଡାଗାଙ୍କ ସାରେ
ପରମ୍ପରା ଆଙ୍ଗଡାତାଦ୍ ଜିଝେତାଗାଙ୍କ ମିକିଙ୍କ ମୁକ୍ତ ମାଡାନ୍ ସେଙ୍ଗେ
ଇଶ୍ବରତିଙ୍କ ବେସର୍ ମୁଲ୍ୟ ଇଦାଙ୍କ ଆସ୍‌ମାଡ୍‌ତେ । ଆଦ୍ ନଷ୍ଟ ଆଦାନ୍
ରୁପା କି ସୁନା ଆୟ,

୧୯ କିନ୍ତୁ ଆଦ୍ ନିର୍ଦୋଷ୍ଟ, କାରାପ୍ ଆୟଝାଦ୍ ମେଣ୍ଡାପିଲେ ଲେକାମ୍
କ୍ରିଷ୍ଟନ୍ ଆମ୍‌ବଲିତେ ଗାଟି ଦାମ୍‌ଦେ ନେଡୁର୍ ।

୨୦ ଅଣ୍ଡ ଜଗତ୍‌ତେ ସୃଷ୍ଟି ମୁନେଙ୍କ ଇଶ୍ବର ତଡ୍ ଏଞ୍ଜିଆଡ୍‌ତନ୍ ନୁ ମୀଇ
ସେଙ୍ଗେ ଇଦ୍ ମାଡେଙ୍କ ଦିନାତେ ତଅନ୍‌ଦତଣ୍ ।

୨୧ ଅନ୍ ସେଙ୍ଗେ ମୀଇଡ୍ ଇଶ୍ବରତେ ବିଶ୍ବାସି ଆଡତିଡ୍ । ଅନ୍
ମହିମା ସେଙ୍ଗେ ଡଲ୍‌ଡାଗାଙ୍କ ତେସ୍ ମିକା ଏଞ୍ଜିମାନ୍ ଇଶ୍ବରତେ ପରୁ
ମୀୟାଦ୍ ବିଶ୍ବାସ୍ ନୁ ଆସେ ଡୁଟାଙ୍ଗ୍ ଆଡ୍‌ତେ ।

୨୨ ଇଞ୍ଜେ ମିଡ୍ ସଡ୍‌ତେ ପେକେ ଆନ୍‌ନାଙ୍କ ନିଜେ ନିଜେତିଙ୍କ୍
ଶୁଟି ମାଡତିଡ୍ ନୁ ବିଶ୍ବାସ୍‌ତେ ଦାଦାନଡ୍‌କ୍ ପ୍ରେମ ମାଡାନଙ୍କ୍ ତିଆର୍‌ତେ
ମିନ୍ଦେଡି । ନିଜେ ନିଜେତିଙ୍କ୍ ହୃଦୟତେ ପ୍ରେମ ମାଡାର୍ ।

୨୩ ବାତେଙ୍କିକେ ଇଶ୍ବରତେ ଜିଝେତାଦ୍ ନୁ ସାରେଦିନାଦ୍ ବାକ୍ୟ ତତ୍, ମୀଇତ୍ ବାତେମିକା ତଲାନ ବାବାନ୍ ପିଲାନ ଲେକାମ୍ ଆୟ, ମାତର୍ ଜିଝେମାନ୍ ବାବାନ୍ ପିଲାନ ଲେକାମ୍ ପୁଃନେ ଜନମ୍ ଲାବ୍ ମାଡ୍ଡିତ୍ ।

୨୪ ଶାସ୍ତ୍ରତାଗ୍ ଲେକାମିନ୍ତେ, “ନାରୁନ୍ ଜାତି ଗାଡ୍ ଲେକାମ୍, ତାମ୍ବାଦ୍ ସୁନ୍ଦର୍ ମେଟେତେ ପୁଙ୍ଗାବ୍ ଲେକାମ୍ । ଗାଡ୍ ଖାରି ଆଦତେ, ପୁଙ୍ଗାବ୍ ଦୁଲି ରାଲିତେ,

୨୫ କିନ୍ତୁ ଇଶ୍ବରତେ ବାକ୍ୟ ସାରେଦିନାତାଦ୍ ।” ଇଦ୍ ଆ ସୁସମାଚାର୍ତ୍ତେ ବାକ୍ୟ ବେଦ୍ ମୀଇପାକେ ପ୍ରଚାର୍ ଆସ୍ମାଡ୍ତେ ।

୨

ଜିଝେମାନ୍ ବେଡ୍ଯାଦ୍ କାଲ୍ ନୁ ପବିତ୍ର ବଂଶ

୧ ସାରେଲେକେଡ୍ କାରାପ୍ ବିଷୟ ତାଗାଙ୍କ୍ ପେଇମୁର୍ । ମିର୍ ନୁ ଦୁଷ୍ଟ, ଇର୍ଷା ନୁ ଅର୍ତ୍ତୁଙ୍କ୍ ନିନ୍ଦା ମାଡାନାଦ୍ ଖିଡ୍ସାଟ୍ ।

୨ କେହେମୁଲ୍ ପିଲାନ ଲେକାମ୍ ଆୟମୁର୍ । ସାରେଦାମ୍ ସାୟେତାଦ୍ ପାଲ୍ ଉନ୍ଦାନ୍ ସେଙ୍ଗେ କାର୍ଡିଙ୍କ୍ ଆୟମୁର୍ । ଆଲେକେକ୍ ମୀଇତ୍ ପେର୍ଯାନ୍ ସେଙ୍ଗେ ପରିତ୍ରାଣ ପାହେମ୍ ଆଦତିତ୍ ।

୩ ଶାସ୍ତ୍ରତାଗ୍ ଲେକାମିନ୍ଦେ, “ଇଶ୍ବର ଯେ ବେଲାନ କୃପାବାନ, ଆଦ୍ ମିଡ୍ ନିଜେ ଏକେତେ ପୁଡ୍ଡିତ୍ ।”

୪ ନାରୁଡ୍ ବେନ୍ ଜିଝେମାନ୍ ବାଡ୍ଯାଦ୍ କାଲ୍ ଲେକାମ୍ ପ୍ରବୁନାଦ୍ ଦାମ୍ଭଲେ ଇଞ୍ଜି ଆଲ୍ସି ପାସ୍କେ, ଅନ୍ ଗାରେ ଖାଡାଟ୍, ବାତେଙ୍କିକେ ଅଣ୍ଟ ଇଶ୍ବର ତତ୍ ନାଗେ ଦାମ୍ ଆସ୍ ଏଞ୍ଜିଆଡ୍ତଣ୍ଟ ।

୫ ମୀଇତ୍ ଅଣ୍ଟୟ ଆଦ୍ୟାମିକ୍ ମନ୍ଦିର ତିଆର୍ ମାଡାନାଗ୍ ଜିଝେମାନ୍ ବାଡ୍ଯାଦ୍ କାଲ୍ ଲେକାମ୍ ବ୍ୟବହାର୍ ଆଦାନ୍ ସେଙ୍ଗେ ଖାଡାଟ୍ । ଆଦ୍ ମନ୍ଦିରତାଗ୍ ମୀଇତ୍ ଜିସୁ କ୍ରିଷ୍ଟଙ୍କ୍ ତତ୍ ଇଶ୍ବରତେ ଗ୍ରହଣଯୋଗ୍ୟ ଆଦ୍ୟାମିକ୍ ବଲି ଉତ୍ସର୍ଗ ମାଡନ୍ ସେଙ୍ଗେ ପବିତ୍ର ଜାଜକ୍ତେ କାମ୍ ମାଡ୍ଡିତ୍ ।

୬ ଶାସ୍ତ୍ରତାଗ୍ ଇଲାନ ଲେକାମିନ୍ଦେ, “ମାମେ ଅଣ୍ଟୟ ଗାଟିଦାମ୍ତାଦ୍ ବାଡ୍ଯାଦ୍ କାଲ୍ ଏଞ୍ଜିତମ୍; ଆଦ୍ ମାମେ ସିୟନତେ ମୁଲେଡ୍ କାଲ୍

ଲେକାମ୍ ନିଲ୍‌ସ୍‌ତମ୍ । ବେନ ଆୟି ଅନାଗେ ବିଶ୍ୱାସ୍ ମାଡ଼ିତନ୍, ଅଣ୍ଡ୍
ବେସୁଙ୍କବା ନିରାଶ୍ ଆୟଣ୍ ।”

୭ ମିଡ଼୍, ବିଶ୍ୱାସ୍ ଆସ୍‌ମାନ୍‌ମାନ୍ ମାୟ୍‌ଦିଙ୍କ୍ ମୀଇଁ ସେଙ୍ଗେ ଇଦ୍
କାଲ୍ ଗାଟି ଦାମ୍‌ଦାଦ୍ । କିନ୍ତୁ ଅବିଶ୍ୱାସିନଡ଼୍, ସେଙ୍ଗେ, “ଲୋନ୍
ତିୟାରମାଡ଼ାନଡ଼୍, ବେନ୍ କାଲ୍‌ତିଙ୍କ୍ ପାୟ୍‌ତଡ଼୍, ଆଦ୍ ସାରେତିଙ୍କ୍
ବାଡ଼ିୟାଦ୍ କାଲ୍ ଆଡ଼ତେ ।”

୮ ପବିତ୍ର ଶାସ୍ତ୍ରତାଗ୍ ମେଣ୍ଡନ୍ ଖେରଡ଼୍, ପଡ଼ିୟେତାଗ୍ ଲେକା
ଆଡ଼ତେ, “ଇଦ୍ କାଲ୍‌ଦେ ପରୁ ନାଗେ ନାରୁଡ଼୍, ତାଲ୍‌ଗି ରାଲ୍‌ତିଡ଼୍,
ଆଦ୍ ବାଣ୍ଟକାଲ୍ ଅଡ଼୍ ଦଂସ୍ ଆଦାନ୍ ଆରୁ ଆଦ୍‌ତେ ।” ଅଡ଼୍ ଇଶ୍‌ବରତେ
ବାକ୍ୟତେ ବିଶ୍ୱାସ୍ ମାଡ଼ତୁ ଆଡ଼ତଡ଼୍, ଆଦିଙ୍କ୍ ଅଡ଼୍ ତାଲ୍‌ଗି ରାଲ୍‌ତିଡ଼୍ ।
ଇଦ୍ ମାଡ଼ତେ ଅଡ଼୍ ସେଙ୍ଗେ ଇଶ୍‌ବରତେ ଇଚ୍ଛା ।

୯ *ମୀଇଡ଼୍ ଅଣ୍ଡ୍‌ୟ ହେଞ୍ଚିମାନ୍‌ମାନ୍ ଜାମେ, ରାଜାଲଡ଼୍‌ତେ ଯାଜକ୍
ପରିବାର୍, ଅଣ୍ଡ୍‌ୟ ପବିତ୍ର ଜାତି ନୁ ଇଶ୍‌ବରତେ ନିଜର୍ ନାରୁଡ଼୍,
ଆସ୍‌ମିଦେଡ଼ି । ଇଶ୍‌ବର ମିକିଙ୍କ୍ ଇକାଡ଼୍ ତାଗାଙ୍କ୍ ତାନ୍ ଗାଟି ଖେସ୍‌ତାଗ୍
କାରୁଙ୍ଗ୍‌ତନ୍ । ମୀଇଡ଼୍ ଅନ୍ ବେପ୍‌ପଡ଼୍ ଆଇଝାଦ୍ କାମ୍ ସାରେ ମାଡ଼ାନ୍
ସେଙ୍ଗେ ଏଞ୍ଚିମିଦେଡ଼ି ।

୧୦ ମୁନେଙ୍କ୍ ମୀଇଡ଼୍ ଇଶ୍‌ବରତେ ନାରୁଡ଼୍ ଆୟିଖେ ମାଡ଼ତିଡ଼୍, ଇଞ୍ଜେ
ଆଡ଼ତିଡ଼୍ । ମୁନେଙ୍କ୍ ମୀଇଡ଼୍ ଇଶ୍‌ବରତେ ଦୟା ବିଷୟତେ ଦରକ୍‌ଖେ
ମାଡ଼ତିଡ଼୍, ଇଞ୍ଜେ ଅନ୍ ଦୟାତେ ନାରୁଡ଼ି ଆଡ଼ତିଡ଼୍ ।

ଇଶ୍‌ବରତେ ଆସ୍‌ତେ ଦାସ

୧୧ ପ୍ରିୟ ସାଙ୍ଗନଡ଼ି, ମୀଇଡ଼୍ ଇଦ୍ ଜଗତ୍‌ତାଗ୍ ଖେରେ ଦେଶତଡ଼ି
ନୁ ଇଗେତଡ଼ି ଲେକାମ୍ । ଆଦିଙ୍କ୍ ଅନୁରଦ୍ ମାଡ଼ତୁନ୍, ମୀଇଡ଼୍ ସାରେ
ଦାମ୍ ଆମ୍ବା ବିରୁଦ୍‌ତେ ଯୁଦ୍ ମାଡ଼ମାନ୍‌ମାନ୍ ମେନ୍‌ହୁଲ୍ ଲାଲ୍‌ସାତାଗାଙ୍କ୍
ପେୟିସ୍ ଖାଡ଼ାଟ୍ ।

୧୨ ଅଣ୍ଡିହୁଦୀଡ଼ାଗାଙ୍କ୍ ମିୟାଦ୍ ସାୟେଡ଼୍ ବ୍ୟବହାର୍ ସାରେଦାମ୍
ପ୍ରାକଶ୍ ଆୟି; ଆଲେକେ, ଅଡ଼୍ ମିକିଙ୍କ୍ କାରାପ୍ ପାଡ଼ିୟି ମାଡ଼ାନଡ଼୍,
ଇଞ୍ଜ୍ ଅପମାନ୍ ଇସ୍ ମାଡ଼ତେ ମିକା, ମିୟାଦ୍ ସତ୍‌କାମ୍ ଉଡ଼ି କ୍ରିଷ୍ଟନ୍
ଝାଦାନ୍ ଦିନାତେ ଇଶ୍‌ବରତିଙ୍କ୍ ପ୍ରସଂଶା ମାଡ଼ିତଡ଼୍ ।

୧୩ ପ୍ରବୁନ୍ ପେଦେରତେ ଅନୁରଦ୍ ମାଡ଼ତୁନ୍, ଶାସନ୍
ମାଡ଼ାନଡ଼୍‌ଝାଦ୍ ଶାସନ୍ ଅଦିନ୍ ମାନୁଟ୍ ।

୧୪ ଦେଶରେ ସାରେଡ଼ିଙ୍କ ବେଡ଼ରେ ସମ୍ରାଟ୍ ନୁ ମେଣ୍ଟେବାଗାଡ଼ ଶାସନ ମାଡ଼ାନଡ଼କୁ ସମ୍ରାଟ୍ ମାଡ଼ାର । ଶାସନ ମାଡ଼ାନଡ଼, ଅପରାଦିନଡ଼କୁ ତିପାଲ୍ ଇଦାନ ସେଙ୍ଗେ ନୁ ସାୟେଡ଼ କାମ୍ ମାଡ଼ମାନ୍ନ ନାରୁଡ଼, ପ୍ରଶଂସା ମାଡ଼ାନଙ୍କ ବେଡ଼ରେ ସମ୍ରାଟ୍ ତଡ଼, ଏଞ୍ଜିମିନ୍ଦେଡ଼ ।

୧୫ ଇଶ୍ବର ଇଚ୍ଛା ମାଡ଼ତୁନ୍, ମିୟାଦ୍ ସଡ଼କାମ୍ରେ ତଡ଼, ବୁସା ଗଟି କେସମାନ୍ନାନ ବୁଦ୍ ଇଲ୍‌ଖେ ନାରୁଡ଼କୁ ଉତର୍ ଇଦେ ପାର୍‌ଖେ ରକମ୍ ମାଡ଼ାର ।

୧୬ ସ୍ବାଦିନ୍‌ରେ ନାରୁଡ଼, ଲେକାମ୍ ଜିଝୁଣ୍ ବାଦ୍‌କାର୍ । କିନ୍ତୁ ସ୍ବାଦିନ୍‌ରେ କାରାପ୍ ବେବହାର୍ ମାଡ଼ି କାରାପ୍ କାମ୍ ମାଡ଼ମାର୍ । ଇଶ୍ବରରେ କ୍ରୀତଦାସ ଲେକାମ୍ ଜିବନ୍ ଯାପନ୍ ମାଡ଼ାର ।

୧୭ ସାରେଡ଼ିଙ୍କୁ ସମ୍ରାଟ୍ ଇମୁର୍ । ସାରେଡ଼ି, କ୍ରିଷ୍ଟବିଶ୍ବାସି ଏଲାଡ଼ତାମୁଙ୍କ ପ୍ରେମ ମାଡ଼ାର । ଇଶ୍ବରତିଙ୍କୁ ଖେର୍‌ମୁର୍, ସମ୍ରାଟ୍‌ତିଙ୍କୁ ସମ୍ରାଟ୍ ଇମୁର୍ ।

କ୍ରିଷ୍ଟନ୍ ଦୁଃକାମ୍‌ତାଦ୍ ଉଦାରନ୍

୧୮ ଆ ଦାସନଡ଼ି, ମିଡ଼୍‌ମାଲିକିଡ଼କୁ ଖେର୍‌ସ୍ ଅଡ଼ାଦ୍ ଗଟି କେଞ୍ଜାର୍, ଇକେ ସାୟେ ନୁ ଦୟାବାନ୍ କର୍ତ୍ତାଲଡ଼ାଦ୍ ଆୟ ମାଡ଼ର୍ ହୁଦୟ ଇଲ୍‌ଖେନଡ଼ିଙ୍କି ମିକା ମାନେମ୍ ଆୟମୁର୍ ।

୧୯ ମିଡ଼୍ ଇଶ୍ବରରେ ଇଚ୍ଛା ପୁଞ୍ଜ୍ ମାନ୍‌ନାଙ୍କୁ, ଯଦି ଅନ୍ୟାୟ ତିପାଲ୍ ଆସ୍ କଷ୍ଟ ଆଡ଼କେ, ଆଲେକ୍ ଇଶ୍ବର ମିକିଙ୍କୁ ଆଗର୍ ବାଦ୍ ମାଡ଼ିତଣ୍ ।

୨୦ ମିଡ଼୍ ଦଷ୍ଟ ମାଡ଼ି ଦଣ୍ଡପାହେମ୍ ଆଡ଼କେ, ଆଗେ ପ୍ରଶଂସା ଆଦାନାଦ୍ ବାଡ଼ କାରନ୍ ମିନ୍ତେ ? ନ୍ୟାୟତାଦ୍ କାମ୍ ମାଡ଼ି ଯଦି ତିପାଲ୍ କଷ୍ଟ ଆଡ଼କେ, ଆଲେକ୍ ଇଶ୍ବର ମିକିଙ୍କୁ ଆଗର୍ ବାଦ୍ ମାଡ଼ିତେ ।

୨୧ ଇଶ୍ବର ଇଦ୍ ଉଲେଖ୍ୟରେ ମିକିଙ୍କୁ କାଙ୍ଗର୍ ମିନ୍ଦେନ୍ । କ୍ରିଷ୍ଟ ନିଜେକେ ମିଇ ସେଙ୍ଗେ କଷ୍ଟ ଆସ୍ ଆଦର୍ଶ ତୋଡ଼ତନ୍, ବେଲାନ୍ ମିଡ଼୍, ଅଣ୍ଡ ତାକାନ୍ ପେକେ ଆଦତିଡ଼ ।

୨୨ ଅଣ୍ଡ ବାତେବା ପାପ୍ ମାଡ଼ିଖେ ମାଡ଼ତନ୍ । ଅନ୍ ପାୟୁରତାଗାଙ୍କୁ ମିଡ଼୍ ଗଟି ପେଇତାନୁ ବେନ ବେସୁଙ୍କୁ କେଞ୍ଜାଖେ ମାଡ଼ତନ୍ ।

୨୩ ଅଣ୍ଡ ଅପ୍‌ମାନ୍ ଆଦାନ୍ ସମୟରେ ଅପମାନ୍‌ତାଦ୍ ମେଣ୍ଟେଅନ୍‌ଦାମ୍ ଉତର୍ ଇଖେ ମାଡ଼ତନ୍ । ଅଣ୍ଡ ଦୁଃକାମ୍ ମାଡ଼ାନ୍

ଝେଲେ ପ୍ରତିଶୋଦ୍ ଆଦାନଙ୍କୁ ଝେର ତଅଝେ ମାଡ଼ତନ୍; ମାଡ଼ର ନ୍ୟାୟ ବିଚାରକର୍ତ୍ତା ଇଶ୍ବରତେ ପରୁ ସାରେ ବର୍ସା ନେହେସ୍ ମାଡ଼ତନ୍ ।

୨୪ ମାମେ ବେଲା ପାପାମ୍ ସେଙ୍ଗେ ଡଲିତାଡ଼, ନୁ ଦାର୍ମାମ୍ ଜିହ୍ବୁ ବାଦକିତାଡ଼, ଆଦିନ୍ ସେଙ୍ଗେ କ୍ରିଷ୍ଣ କୁଶ ପରୁ ନିଜେଡ଼ ମେନ୍ଦୁଲ୍ତେ ମା ପାପାମ୍ତେ ବୋଜ୍ କାଞ୍ଜତନ୍ । ଅନ୍ ମେନ୍ଦୁଲ୍ତାଗେ ଆଦ ପୁଣ୍ଡିତଡ଼, ମିଡ଼ ସୁସ୍ଥ ଆଡ଼ତିଡ଼ ।

୨୫ ମେଣ୍ଟାକିନ୍ ଲେକାମ୍ ମିଡ଼ ଝେରେ ଆରଦାଗ୍ ଆଞ୍ଜ ମାଡ଼ତିଡ଼ । ଇଞ୍ଜେ ମିୟାଦ୍ ମେକାଗଲାଲ୍ ନୁ ଆମ୍ତେ ରକ୍ଷାତିଙ୍କ ପେକେ ଆଦାନ ସେଙ୍ଗେ ମାଲ୍ସ ଝାଡ଼ତିଡ଼ ।

୩

ମୁତେ ନୁ ମୁଦ୍‌ପାଲଡ଼ ସେଙ୍ଗେ ଶିକ୍ଷା

୧ ☆ଆ ମୁତେନଡ଼ି ! ମିଡ଼ ମୁଦ୍‌ପାନଡ଼ ସନ୍ତୁଷ୍ଟ ଆୟମୁର୍ । ଆଲେକେ, ଯଦି ବେନ୍ ଆୟି ମୁଦ୍‌ପାଲ୍ ଇଶ୍ବରତେ ବାକ୍ୟତେ ବିଶ୍ବାସ୍ ମାଡ଼ଝେ ମାଡ଼କେ, ଆଲେକ୍ ମିୟାଦ୍ ସାୟେଡ଼ ବ୍ୟବହାର୍ ତଡ଼ ଆଦ ବାକ୍ୟ ସେଙ୍ଗେ ଅନାଦ୍ ବିଶ୍ବାସ୍ ଆଦତେ । ମିଡ଼ ସୁଦୁର୍ ମିକା କେତାନଙ୍କ ଦର୍କାଡ଼ ଆୟ ।

୨ ବାତେଙ୍କଲକେ ମିୟାଦ୍ ପବିତ୍ର ବ୍ୟବହାର୍ ନୁ ବକ୍ତି ବାବ୍ ଅଡ଼ ଉଡ଼ିତଡ଼ ।

୩ ☆ମିଇଆଦ୍ କେଲ୍‌କ୍ ସଜା, ସଜ୍‌ବାଜ୍, ସୁନାବାନା କେର୍‌ସ୍ ବାୟେଦେ ତଅତାନାଦ୍ ନିଜର୍ ସଜ୍‌ବାଜ୍ ମାଡ଼ାନାଦ୍ ଉଡ଼ିତ ଆୟ ।

୪ ନିଜାତାଦ୍ ସୁନ୍ଦୁର୍ ଆଦୁଡ଼, ମୀଇ ଜିହ୍ବୁନଲୋପେଡ଼ ସାୟେଡ଼ ନମ୍ରମନ୍ । ମିୟାଦ୍ ଆଦ୍ ନଷ୍ଟ ଆୟ୍‌ଝାଦ୍ ସଜ୍‌ବାଜ୍ ଇଶ୍ବରତେ କଣ୍ଡେତେ ସାରେତିଙ୍କ ମୁଲ୍ୟବାନ୍ ।

୫ ମୁନେଙ୍କତେ ବେନ୍ ପବିତ୍ର ମୁତେକି ଇଶ୍ବର ତାଗେ ବର୍ସା ନେଃସ୍‌ସମାଡ଼ତା, ଆଞ୍ଜୁ ମୁଦ୍‌ପାନଡ଼ ସନ୍ତୁଷ୍ଟ ଆଦାନ ସେଙ୍ଗେ ନିଜେତିଙ୍କ ପବିତ୍ରତଡ଼ ସଜ୍‌ବାଜ୍ ମାଡ଼ମାଡ଼ତା ।

☆ ୩:୧ ଏପିସିୟ ୫:୨୨; କଲସୀୟ ୩:୧୮. ☆ ୩:୩ ୧ ତାମତି ୨:୯.

୭ ସାରା ଆସତ୍‌ଲେକାତ୍ ଖେରତ୍ ମୁତେ ମାଡ଼ତେ । ଆଦ୍ ଅବ୍ରାହାମ୍‌ତେ ଆଦେଶ୍ ପାଲନ୍ ମାଡ଼ି ଅଙ୍କ୍ ପ୍ରବୁ ଇଞ୍ଜ ମାନେମ୍ ଆସମାଡ଼ତେ । ମିଡ଼୍ ଇଞ୍ଜେ ଅଦିନ୍ ମାୟାସ୍ । ଯଦି ସାୟେଡ଼ ବ୍ୟବହାର୍ ମାଡ଼ିନ୍, ଆଲେକେ, ବାତେବା ବିଷୟ ମିକିଙ୍କ୍ ମେଣ୍ଟେ ଖେରେଣ୍ଟେ ପାର୍ଝ ।

୮ ✱ଆ ମୁଦ୍‌ପାନଡ଼ି, ଆଦ୍ ଲେକାମ୍ ମୀଇ ମୁତେକିଙ୍କ୍ ଶାଡ଼୍‌ଝାମ୍ ଇଲ୍‌ଲେ ଇଞ୍ଜ ପୁଞ୍ଜ ଆଞ୍ଜିନ୍ ସେଙ୍ଗେ ପସନ୍ ଆସ୍ ମାନୁର୍ । ଆଞ୍ଜିଙ୍କ୍ ସମ୍ମାନ୍ ଇମୁର୍ । ଆଞ୍ଜିମିକା ମିଇତଡ଼୍ ଇଶ୍‌ବରତାଗେ ଜିଞ୍ଜେଡ଼ ଲେକାମ୍ ଦାନ ପାଏମ୍ ଆଦତା । ମିଇଡ଼୍ ଆଞ୍ଜିନ୍ ସେଙ୍ଗେ ସାୟେଡ଼ ବ୍ୟବହାର୍ ମାଡ଼କେ, ମିୟାଦ୍ ପ୍ରାର୍ଥନା ଅଟକେମ୍ ଆୟ ।

ସତ୍‌କାମ୍‌ତେ ସେଙ୍ଗେ ଦୁଃକାମ୍

୯ ପେକେ, ମିଡ଼୍ ସାରେତଡ଼୍ ଅଣ୍ଟୟ ମନ୍ ଆସ୍ ମାନୁର୍ । ନିଜେ ନିଜେତିଙ୍କ୍ ଏଲାଡ଼ତାମୁଣ୍ ଲେକାମ୍ ପ୍ରେମ ମାଡ଼ି ନିଜେ ନିଜେ ଲୋପେ ଦୟା ନୁ ନମ୍ ଆୟମୁର୍ ।

୧୦ ଅନିଷ୍ଟ ବଦଲ୍‌ତେ ଅନିଷ୍ଟ ମାଡ଼ମାର୍, ଅବିଶାପ୍ ବାଦୁଲ୍‌ତେ ଅବିଶାପ୍ ମାଡ଼ମାର୍; ତାନ୍ ପେକେ ଆଶର୍ ବାଦ୍ ମାଡ଼ମାର୍, ବାତେଙ୍କ୍‌ଇକ୍ ଇଦିନ୍ ସେଙ୍ଗେ ଇଶ୍‌ବର ମିକିଙ୍କ୍ କାର୍‌କି ମାଡ଼ତନ୍ ନୁ ଆଦ୍ ମାଡ଼ମାର୍ ପେକେ ମିଡ଼୍ ଆଶର୍ ବାଦ୍ ପାଏମ୍ ଆଦତିଡ଼୍,

୧୧ ଶାସ୍ତ୍ରତାଗ୍ ଲେକାମିନ୍ଦେ, “ବେନ ଜିଞ୍ଜେତାଗ୍ ପ୍ରେମ ମାଡ଼ମାର୍ ନୁ ସୁକାମ୍‌ତେ ଦିନାମ୍ ଉଡ଼ାନଙ୍କ୍ ଇଚ୍ଛା ମାଡ଼ିତଣ୍, ଅଣ୍ଟ କାରାପ୍ ଗର୍ କେଲ୍‌ମାକିଣ୍ ନୁ ମିର୍ ଗଟିନାଗାଙ୍କ୍ ପେୟସ୍ ଖାଡ଼ିଣ୍ ।

୧୨ ଅଣ୍ଟ କାରାପ୍‌ତାଗାଙ୍କ୍ ମାଲ୍‌ସ୍ ଖାସ୍ ସାୟେକାମ୍ ମାଡ଼ିଣ୍ ନୁ ମନ୍‌ଇସ୍ ଶାନ୍ତି କାମ୍ ମାଡ଼ିଣ୍ ।

୧୩ ଇଶ୍‌ବର ଦାମ୍ କି ନାରୁଡ଼୍ ସେଙ୍ଗେ ମନ୍ ଇଦ୍‌ତଣ୍ ନୁ ଅଡ଼୍ ପ୍ରାର୍ଥନା କେଞ୍ଜିତଣ୍; ଇଡ଼କେ ଅଣ୍ଟ କାରାପ୍ ନାରୁଡ଼୍ ସେଙ୍ଗେ ମନ୍ ଇଞ୍ଜଣ୍ ।”

୧୪ ସାୟେ କାମ୍ ମାଡ଼ମାର୍ ମିଡ଼୍ ତିଆର୍ ମାଡ଼କେ, ବେନ ମିୟାଦ୍ ଅନିଷ୍ଟ ମାଡ଼ିତନ୍ ?

୧୪ ଯଦ୍ କାମ୍ ମାତୃନ୍ ସେଞ୍ଚେ ମିତ୍, ଦୁଃକାମ୍ କଷ୍ଟ ମାତୃକେ ମିକା
ମିତ୍, ନିଜାମ୍ ସୁକାମ୍ତେ ମିନ୍ଦେତି । ବେନଙ୍କୁ ଖେରମାର୍; ବେସୁଙ୍କୁବା
ଚିନ୍ତାତେ ମାନମାର୍ ।

୧୫ ମାନ କ୍ରିଷ୍ଣଙ୍କୁ ବକ୍ତି ମାଡ଼ି, ଅଙ୍କ ପ୍ରବୁ ଇଞ୍ଜ କେଡ଼କେ । ଯଦି ବେନ
ମି ଲୋପେଡ଼ ହୁଦୟତାଗ୍ ବାଆତେ ମିନ୍ଦେ ଇଞ୍ଜ ପୁନ୍ଦାନଙ୍କୁ ଇଚ୍ଛା
ମାତୃକେ, ଅନ୍ ପ୍ରଶ୍ନତେ ଟିକ୍ ଉତ୍ତର ଇଦାନଙ୍କୁ ସାରେଦାମ୍ ତିଆରତେ
ମାନୁର୍ ।

୧୬ ଇଡ଼କେ ବିନୀତତେ ନୁ ଲେକେଡ଼ ନାରୁନ୍ ଲେକାମ୍ ଉତ୍ତର
ଇମୁର୍ । ମିୟାଦ୍ ମନ୍ତିଙ୍କୁ ନିର୍ମାଳତେ ନେଏମୁର୍ । ଆଲେଇଡ଼କେ,
ମିତ୍, କ୍ରିଷ୍ଣନ୍ ପେର୍କେ ଆଦାନ୍ ଲେକାମ୍ ସାୟେଡ଼ ବ୍ୟବହାର୍
ମାତୃମାନ୍ଦାନ୍ ଖେଲେ, ବେନଡ଼୍ ମିୟାଦ୍ ମିତ୍ ଅବିଯୋଗ୍ ମାଡ଼ିତଡ଼୍,
ଅଡ଼ ସିଗ ଆଦତଡ଼୍ ।

୧୭ କାରାପ୍ କାମ୍ ମାଡ଼ି କଷ୍ଟ ଆଦାନ୍ ନାଗାଙ୍କୁ, ଇଶ୍ବରତେ
ଇଚ୍ଛାଲେକାମ୍ ସଦ୍‌କାମ୍ ମାଡ଼ି ଦୁଃକାମ୍ ମାତୃନାଦ୍ ଲେକେଡ଼ ।

୧୮ ମିକିଂଙ୍କୁ ଇଶ୍ବରତେ ପାକେ ତାତାନ୍ ସେଞ୍ଚେ କ୍ରିଷ୍ଣ ନିଜେ
ଦାମ୍-କ୍ ଆସ୍ ଅଦାମ୍-ନାରୁଡ଼୍ ପାପତେ ପ୍ରାୟତିତତେ ସେଞ୍ଚେ
ନିଜେଡ଼ ଜିଞ୍ଜେ ଇଡ଼ତନ୍ । ଇଦ୍ ପ୍ରାୟତିତତେ ଅଣ୍ ଅଣ୍ଡୟଦାମ୍
ସାରେଦିନାଡ଼ ସେଞ୍ଚେ ସାଦନ୍ ମାଡ଼ତନ୍ । ଅଣ୍ ମେନ୍ଦୁଲ୍ ଇସାପତେ
ଡଲ୍‌ତନ୍, ଇଡ଼କେ ଆମାତେ ଜିଞ୍ଜେ ଆଡ଼ତନ୍,

୧୯ ନୁ ଆଦ୍ ଆମାତେ ସ୍ଥିତିତଡ଼୍ ବନ୍ଦିଆଡ଼ତେ ଆମାକିନ୍ ପାକେ ଆଞ୍ଜ୍
ପ୍ରଚାର୍ ମାଡ଼ତନ୍ ।

୨୦ ନୋହ ଜାହାଜ୍ ମାତୃନ୍ ସମୟତେ ଇଶ୍ବର ଦୈର୍ଘ୍ୟତେ
କେପିମାଡ଼ତନ୍ । ଆସୁଙ୍କୁ ବେନ୍ ନାରୁଡ଼୍ ଇଶ୍ବରତଡ଼୍ ଉରଗାଡ଼୍
ଆଡ଼ତଡ଼୍, ଆ ପରୁତେ ଆମା ଆଦୁତଡ଼୍ ଅଡ଼ଲେକେମ୍ । ବେନ୍ ସୁକୁକ୍
ବେସୁଡ଼୍ ସାରେ କାଈଲି ଆଡ଼ଜାନ୍ ମାତର ଗାଟି ଖାଡ଼ସାମ୍ତାଗାଙ୍କୁ
ରକ୍ଷା ପାଏମ୍ ଆଡ଼ତଡ଼୍,

୨୧ ଅଡ଼ ମିକିଙ୍କୁ ପରିତ୍ରାଣ ସାଦନ୍ ମାଡ଼ିମାନ୍ଦାନ୍ ବାପ୍ତିସମ ଲେକାମ୍
। ଇଦ୍ ବାପ୍ତିସମ ମୀଇ ମେନ୍ଦୁଲ୍‌ତେ ମୁର୍ଜିଙ୍କୁ ଯେକା ମାଡ଼, ଆଦ୍
କ୍ରିଷ୍ଣନ୍ ତେଦାନ୍ ଦିନତଡ଼୍ ମିୟାଦ୍ ମନ୍ତିଙ୍କୁ ଲେକେଡ଼ ମାତୃନ୍
ସେଞ୍ଚେ ଇଶ୍ବରତେ ପାକେ ଆବେଦନ୍ ।

୨୨ ଅଣ୍ଟା କ୍ରିଷ୍ଟ ଇଞ୍ଜେ ସ୍ବର୍ଗତାଗ୍ ଇଶ୍ବରତେ ତିନ୍ଦେ ପାକେ କୁଦିମିକା ଦୃତ ନୁ ସାରେ ସ୍ବର୍ଗତାତ୍ ଅଦିପତି ନୁ ସାରେ ଶକ୍ତିତିଙ୍କ ଶାସନ୍ ମାଡ଼ତୁଣ୍ଟ ।

୪

ବାଦଲେମ୍ ଆଡ଼ତେ ଜିଝୁଣ୍ଟ

୧ କ୍ରିଷ୍ଟ ନିଜେଡ଼ ମେନ୍ଦୁଲ୍‌ତେ ମାନ୍ଦାନ୍ ଖେଲେ କଷ୍ଟ ମାଡ଼ତାଙ୍କ୍, ମିଡ଼୍, ମିକା ଅନ୍ ଲେକାମ୍ ମନ୍ ମାଡ଼ି ନିଶ୍ଚିତ୍ ଆୟମୁଟ୍ ଯେ, ବେନ୍ ନାରୁଣ୍ଟ ଜିଝୁନ୍ ମେନ୍ଦୁଲ୍‌ତେ ତିପାଲ୍ ଆଦତନ୍, ଅଣ୍ଟ ମେଣ୍ଟେ ପାପାମ୍‌ତାଗ୍ ମୁଡ଼ନ୍ତୁ ମାନଣ୍ଟ ।

୨ ମୀଇଡ଼୍ ଇଞ୍ଜେକଞ୍ଜ୍ ଜିଝୁଣ୍ଟତାଗ୍ ମାନ୍ଦାନ୍ ବେସକ୍ ଦିନା ଲୋପେ ନିଜେଡ଼ ମେନ୍ଦୁଲ୍ ଅବିଲାଷତେ ଜିଝୁଣ୍ଟ ବାଦକ ଆୟକଟ୍ ଇଶ୍ବରତେ ଇଚ୍ଛାଦିନାମ୍ ଆୟମୁଟ୍ ।

୩ ମୁନେଙ୍କ୍ ମିଡ଼୍ ଅଣ୍ଟିହୁଦୀଡ଼୍ ଲେକାମ୍ କାମ୍ ମାଡ଼ି ନାଗେ ସମୟ କାଟେମ୍ ଆଡ଼ତିଡ଼୍ । ମିୟାଦ୍ ଜିଝେ ସାରେ କାରାପ୍ ପାଡ଼ନ୍ତି, କାମୁକତା, କାଲ୍‌ଉନ୍ଦାନ୍, ଲାଲ୍‌ସା, ମାତାଲ୍ ନୁ ପାସ୍ତାନ୍ ପୁଡ଼ଲାମ୍ ପୁଜାନାଗ୍ କାଟେମ୍ ଆଡ଼ତେ ।

୪ ମିଡ଼୍ ଇଞ୍ଜେ ଇଦ୍ ଲେକାମ୍ କାରାପ୍ କାମ୍‌ତାଗ୍ ଅଡ଼ତଡ଼୍, କାଲ୍‌ଝାଙ୍କ୍ ଅଡ଼୍ ଆଶର୍ଯ୍ୟ ଆସ୍ ମିକିଂଙ୍କ୍ ଗାଟି ନାଗେ ଲିନ୍ଦେ ମାଡ଼ତୁଡ଼୍ ।

୫ କିନ୍ତୁ ଚୁବନ୍ ଇଶ୍ବର ଜିଝେ ନୁ ତଲ୍‌ତେନଡ଼୍ ବିଚାର୍ ମାଡ଼ିତଣ୍ଟ, ଅନ୍ ଗାରେ ଅଡ଼କିଂଙ୍କ୍ ଇସାବ୍ ଇଦାନଙ୍କ୍ ଆଦତେ ।

୬ ଅଦିନ୍ ସେଙ୍ଗେ ତଲ୍‌ତେନଡ଼୍ ଗାରେମିକା ସୁସମାଚାର୍ ପ୍ରଚାର୍ ମାଡ଼ିମାଡ଼ତଡ଼୍, ବେଲାନ୍ ଅଡ଼୍ ନାରୁଡ଼୍ ଲେକାମ୍ ମେନ୍ଦୁଲ୍‌ତେ ବିଚାର୍‌ରିତ ଆସ୍‌ମାଡ଼କେ ମିକା, ଇଶ୍ବରତେ ଆମ୍‌ଡ଼ରକମ୍ ଆମ୍‌ଡ଼ତଡ଼୍, ଜିଝେ ଆଦତଡ଼୍ ।

ଇଶ୍ବରତେ ଦାନତିଙ୍କ୍ ସାୟେ ନେଃଏତାନଣ୍ଟ ଗୁମାସ୍ତାଲ୍

୭ ସାରେ ବିଷୟତାଦ୍ ତେରାନ୍ ଦିନାମ୍ ଏଞ୍ଜୁତେ । ମିଡ଼୍ ପ୍ରାର୍ଥନା ତାଗ୍ ମାନ୍‌ଇସ୍ ମାନ୍ଦାନ୍ ସେଙ୍ଗେ ନିଜର୍ ପର ଆଶେ ଝାଟି ତିଆର୍‌ଆସ୍ ମାନ୍ତୁଟ୍ ।

୮ ନାଗେ ପ୍ରେମତତ୍ ନିଜର ନିଜର ଲୋପେ ପ୍ରେମ ମାଡ଼ାଟ୍, ବାତେଙ୍କିକେ ପ୍ରେମ ନାଗେ ପାପାମତିଙ୍କ ମୁସିତେ ।

୯ ସାୟେତ୍ ମନତତ୍ ନିଜର କୁଟମାମତିଙ୍କ ସେବା ମାଡ଼ାଟ୍ ।

୧୦ ଇଶ୍ବର ମିତ୍ ସାରେତତ୍ ସାୟେତ୍ ଦାନ ଇଡ଼ତନ୍ । ବେନ ବେନ ଦାନ ପାଏମ୍ ଆଡ଼ତନ୍, ଆଦିନାଦ୍ ସାୟେତ୍ ବ୍ୟବହାର ଇସାପ୍ତେ ମେଣ୍ଡେବାଗାତଡ଼ାଦ୍ ସେବା ସେଙ୍ଗେ ଆଦ୍ ଦାନତାଦ୍ ସଡ଼ ବ୍ୟବହାର ମାଡ଼ାନାଦ୍ ସାୟେ ।

୧୧ ବେନ ପ୍ରଚାର ମାଡ଼ିତନ୍, ଅଣ୍ ଇଶ୍ବରତେ ଗଟି ପ୍ରଚାର ମାଡ଼ିଣ୍ । ବେନ ସେବା ମାଡ଼ିତନ୍, ଇଶ୍ବର ଅଙ୍କ ଇସମାନ୍ଦାନ୍ ଗକ୍ତି ଲେକାମ୍ ଅଣ୍ ସେବା ମାଡ଼ିଣ୍ । ଆଲେଇଡ଼କେ, ଇଶ୍ବର ସାରେ ବିଷୟତେ ଜିସ୍ କ୍ରିଷ୍ଟନ୍ ତତ୍ ଗୌରବ୍ ପାଏମ୍ ଆଡ଼ତନ୍ । ଯୁଗ୍ଯୁଗ୍ ମହିମା ନୁ ପରାକ୍ରମ୍ ଅନାଦ୍ । ଆମେନ୍ ।

କ୍ରିଷ୍ଟିୟାନ୍ ନାରୁଡ଼ତାଦ୍ ଦୁଃକାମ୍ କଷ୍ଟ

୧୨ ପ୍ରିୟ ସାଙ୍ଗନତି, ବେନ କିସ୍ ପରିକ୍ଷାତାର୍ ମିତ୍ ଦୁଃକାମ୍ କଷ୍ଟ ଆଦୁଡ଼ିତ୍, ଆଦ୍ ଝେରଡ଼ ଆସାମ୍ତେ ଗଟଣା ଆଲ୍ସି ବକୁଝା ଆୟମାଟ୍ ।

୧୩ ମେଣ୍ଡେ ଝେଡ଼କାଟ୍, ବାତେଙ୍କିକେ ମିତ୍ କ୍ରିଷ୍ଟନ୍ ଦୁଃକାମ୍ କଷ୍ଟତେ ଅଂଶି ଆୟନାଦ୍ ଅନାଦ୍ ମୟିମା ପ୍ରକାଶ୍ ଆଦାନ୍ ଝେଲେ ମିତ୍ ଝେଡ଼କେତେ ସାରଦେ ଆଡ଼ିତ୍ ।

୧୪ କ୍ରିଷ୍ଟନ୍ ପେକେ ଆନନାଙ୍କ ଅପମାନିତ୍ ଆଡ଼କେ, ମିତ୍ ପ୍ରକୃତତେ ଦନ୍ୟ, ବାତେଙ୍କିକେ ଇଶ୍ବରତେ ଗୌରବ୍ମୟ ଆମ୍ ମିୟାଗେ ବାସେ ମାଡ଼ିମିନ୍ଦେ ।

୧୫ ମିୟାଗାଙ୍କ ବେନ ନରଅନ୍ତା, ଦୟ୍ୟ ବା ଦୁରାଚାରି, ବା ଗଲ୍ କ୍ ସୃଷ୍ଟି ମାଡ଼ନ୍ ସେଙ୍ଗେ ଦୁଃକାମ୍ କଷ୍ଟ ମାଡ଼ମାକିଣ୍ ।

୧୬ କିନ୍ତୁ ମିତ୍ ଯଦି କ୍ରିଷ୍ଟିୟାନ୍ ଆୟିନାଙ୍କ ଦୁଃକାମ୍ ମାଡ଼ଡ଼ିତ୍, ଆଲେକ୍ ସିଗ୍ ଆୟମାଟ୍ । ଇଶ୍ବରତିଙ୍କ ଦନ୍ୟବାଦ୍ ଇମ୍ବୁଟ୍, ବାତେଙ୍କିକେ ମିତ୍ କ୍ରିଷ୍ଟନ୍ ପେଦେର୍ ପୟିଡ଼ିତ୍ ।

୧୭ ଇଞ୍ଜେ ବିଚାର ଦିନାମ୍ ଏଞ୍ଜୁଡ଼ତେ ନୁ ଇଶ୍ବରତେ ନାରୁଡ଼, ମୁନେଙ୍କ ବିଚାର ଆଡ଼ତଡ଼ । ଯଦି ମାନାଗାଙ୍କ ଆଦ୍ ଆରାମ୍ ଆଡ଼କେ,

ଆଲେକ୍ ବେନଡ଼୍, ଇଶ୍ବରତେ ସୁସମାଚାରତାର୍ଗ୍ ବିଶ୍ବାସ୍ ମାଡ଼ଡ଼୍, ଅଡ଼ାଦ୍ ମାଡ଼େକ୍ତାଦ୍ ଦଶା ବାଆଡେ ଆଦ୍ତେ ?

୧୮ ଦର୍ମଶାସ୍ତ୍ରତାର୍ଗ୍ ଲେକାମିନ୍ଦେ, “ଯଦି ଦାମ୍ କ୍ଳନଡ଼୍ ପରିତ୍ରାନ୍ ପାଏମ୍ ଆଦାନାଦ୍ ଇସର୍ କଷ୍ଟ, ଆଲେକ୍ ଆଦାମ୍ କ୍ ନୁ ପାପିନଡ଼୍, ଦଶା ବାଆଡେ ଆଦ୍ତେ ?”

୧୯ ଆଲେକ୍ ବେନଡ଼୍, ଇଶ୍ବରତେ ଇଚ୍ଛା ଲେକାମ୍ ଦୁଃକାମ୍ ମାଡ଼ିତଡ଼୍, ଅଡ଼୍, ସାରେ ସଡ଼କାମ୍ ମାଡ଼ି ଅନାଗେ ପୁରାପୁରି ବରସା ନେଏମୁର୍ । ଅଡ଼ାଦ୍ ସୃଷ୍ଟିକର୍ତ୍ତାଲ୍ ଇଶ୍ବର ସାରେଦାମ୍ ତାନ୍ ପ୍ରତିଜ୍ଞା ରକ୍ଷା ମାଡ଼ିତନ୍ ।

୫

ଇଶ୍ବରତେ ମାୟମେଣ୍ଡା

୧ ନାନେ ଝେରନ୍ ବୟସ୍ତେ ନାରୁଣ୍ଡ ଇସାବତେ ମିୟାଦ୍ ମଣ୍ଡଲିତେ ବାଡ଼୍ରେ ନେତାଲଡ଼କ୍ ବିନତି ମାଡ଼ି କେତୁତାନ୍ । କ୍ରିଷ୍ଟନ୍ ଦୁଃକାମ୍ କଷ୍ଟତାର୍ଗ୍ ନାନେ ଝେରନ୍ ସାକ୍ଷି ନୁ ଅନାଦ୍ ଗୌରବ୍ ପ୍ରକାଶ୍ ଆଦାନ୍ ସମୟତେ ନାନେ ଆଗେ ପାଲ୍ଲକ୍ ଆଦ୍ତାନ୍ ।

୨* ଇଶ୍ବର ମୀଇ କାୟଦାର୍ଗ୍ ବେନ୍ ମାୟ ମେଣ୍ଡାନ୍ ଦ୍ବାୟିଡ଼ ଇଡ଼ତନ୍, ନାନ୍ ଅନୁରଦ୍ ମାଡ଼ତ୍ରାନ୍, ମିଡ଼୍, ଇଚ୍ଛା ଇଲ୍ଲେ ଆଦ୍ ମାଡ଼କର୍ ସାର୍ଦେତେ ଅଡ଼କିଂକ୍ ପଡ଼୍ପାଟ୍ । ଦନ୍ ଆଶାତେ ଆଦ୍ ମାଡ଼କର୍, ସାରେଦାମ୍ ସେବା ମନ୍ ତଡ଼୍ ମିୟାଦ୍ ଆଦ୍ ଦ୍ବାୟିତ ମାଡ଼ାଟ୍ ।

୩ ମିଡ଼୍ ବେନଡ଼ାଦ୍ ଦ୍ବାୟିତ ଆଡ଼ତିଡ଼୍, ଅଡ଼୍ ପରୁ ଶାସନ୍ ମାଡ଼କର୍ ଅଡ଼୍ ସେଙ୍ଗେ ନିଜର୍ ଜିହ୍ବୁତାର୍ଗ୍ ଆଦର୍ଶ ତଅମୁର୍ ।

୪ ବେସୁକ୍ “ଲେକେଡ଼ ମେକାଗଲାଲ୍,” ଝାଡ଼ତନ୍, ମିଡ଼୍ ଗୌରବତେ ମୁକୁର୍ ପାଏମ୍ ଆଡ଼ତିଡ଼୍ । ଆଦିନାଦ୍ ଝେସ୍ ବେସୁକ୍ ମୁରକ୍ ଆୟ ।

୫ ଆ ଲେୟଡ଼ି, ମିଡ଼୍ ବୟସ୍ତେ ନାରୁଡ଼କ୍ ମାନେମ୍ ଆୟମୁର୍ । ମିଡ଼୍ ସାରେତଡ଼୍ ନିଜେ ନିଜେ ସେବାମାଡ଼ାନ୍ ସେଙ୍ଗେ ନମ୍ରତାତ ଚକା କେରମୁର୍ । ଶାସ୍ତ୍ରତାର୍ଗ୍ ଲେକାମିନ୍ଦେ, “ଇଶ୍ବର ଆଂକାର ନାରୁଡ଼କ୍ ବିରୁଦ୍ ମାଡ଼ିତନ୍, ଇଡ଼କେ ନମ୍ର ନାରୁଡ଼କ୍ ଅନୁଗ୍ରହ ମାଡ଼ିତନ୍ ।”

* ୫:୨ ଯୋହନ୍ ୨୧:୧୫-୧୭.

୭ ☆ଆଲେକେ, ଇଶ୍ଵରତେ ଶକ୍ତିତେ କାୟଦେ ମଦଲ୍ ମଦଲ୍ ଆଡ଼କାର୍; ଅଣ୍ଡ ତାନ୍ ଟିକ୍ ମାଡ଼ତେ ସମୟତେଖେଲେ ମିକିଙ୍କ୍ ଉନ୍ନତ ମାଡ଼ିତନ୍ ।

୮ ମିୟାଦ୍ ସାରେ ଚିନ୍ତାତିଙ୍କ୍ ଇଶ୍ଵର ଗାରେ ସମର୍ପଣ ମାଡ଼ାର୍, ବାତେଙ୍କ୍‌ଇକ୍ ଅଣ୍ଡ ମିୟାଦ୍ ଯନ୍ ଆଦତନ୍ ।

୯ ସତର୍କ୍ ଆୟମୁର୍, ତିଆର୍ ଆସ୍ ମାନୁର୍ । ମୀଇ ଶତ୍ରୁ ଶୟତାନ୍ କେୟାନ୍ ଗଣ୍ଡାସ୍ ଲେକାମ୍ ବେନଙ୍କ୍ କାସାନ୍ ସେଙ୍ଗେ ମେଃଏକ ଉଡୁତେ ।

୧୦ ମିଡ଼୍ ବିଶ୍ଵାସତେ ତୁଟାଙ୍କ୍ ମାଞ୍ଜ, ଆଦିଙ୍କ୍ ଅଟକା ମାଡ଼ାର୍ । ମିଡ଼୍ ପୁଡ଼ିଡ଼୍, ଇଦ୍ ଜଗଡ଼ତାର୍ ମୀଇ ବିଶ୍ଵାସି ଏଲାଡ଼ତାମୁଡ଼କ୍ ଇଦ୍ ଲେକାମ୍ ଦୁଃକାମକଷ୍ଟ ତାଲାନ୍ ଅଦୁତଡ଼୍ ।

୧୧ କ୍ରିଷ୍ଟନ୍ ତଡ଼୍ କାଇଲି ମିକା ଅନାଦ୍ ସାରେଦିନାତାଦ୍ ଗୌରବ୍‌ତେ ବାଗିଦାର୍ ଆଦାନଙ୍କ୍, ଦୟାତଣ୍ଡ ଇଶ୍ଵର ମିକିଙ୍କ୍ ଆହ୍ମାନ୍ ମାଡ଼ତଣ୍ଡ । ମିୟାଦ୍ ଇସୁର୍ ଦୁଃକାମ୍ ଆଡ଼ତେ ପେର୍କେ ଅଣ୍ଡ ନିଜେ ମିକିଙ୍କ୍ ସାକ୍‌ସାକା, ଗାଡ଼ସ୍, ତୁଟାଙ୍କ୍ ନୁ ମଜବୁଡ଼ ମାଡ଼ିତନ୍ ।

୧୨ ଅନ୍‌ଝାଦ୍ ଶାସନ୍ ଯୁଗ୍‌ଯୁଗ୍ ଆୟି । ଆମେନ୍ ।

ମାଡ଼େଙ୍କ୍‌ତାଦ୍ ନମସ୍କାର୍

୧୩ ☆ଶୀଲାଙ୍କ୍ ବିଶ୍ଵାସ୍ତେ କ୍ରିଷ୍ଟିୟାନ୍ ଦାଦାଲ୍ ଲେକାମ୍ ନାନେ ସମ୍ମାନ ମାଡ଼ିତାନ୍ । ଅନ୍ ତଡ଼୍ ନାନେ ଇଦ୍ ସୁଦୁରାଦ୍ ଚିଟି ଲେକ୍‌ତାନ୍ । ଇଶ୍ଵରତେ ନିଜାତାଦ୍ ଅନୁଗ୍ରହ ମୁନେ ସାକ୍ଷ୍ୟ ଇସ୍ ମିକିଙ୍କ୍ ସାର୍‌ଦେ ମାଡ଼ାନଙ୍କ୍ ନାୟାଦ୍ ଇଚ୍ଛା । ଆଦ୍ ଅନୁଗ୍ରହତାର୍ ମିଡ଼୍ ଗାଡ଼ସ୍ ଆସ୍ ମାନୁର୍ ।

୧୪ ☆ଇଶ୍ଵରତଡ଼୍ ଏଞ୍ଜିମାନ୍‌ବା ବିଲୋନ୍‌ତାର୍ ମାନ୍‌ବା ମଣ୍ଡଲି ନୁ ନା ଦାର୍ମାମ୍ ମାର୍ ମାର୍କ ମିକା ମିକିଙ୍କ୍ ନମସ୍କାର୍ ମାଡ଼ିତନ୍ ।

୧୫ କ୍ରିଷ୍ଟିୟ ପବିତ୍ର ପ୍ରେମ୍ ତଡ଼୍ ନିଜର୍ ନିଜର୍ ଲୋପେ ନମସ୍କାର୍ ମାଡ଼ାର୍ । ଜିସୁ କ୍ରିଷ୍ଟନ୍ ତଡ଼୍ ମିଡ଼୍ ସାରେତଡ଼ିଙ୍କ୍ ଶାନ୍ତି ଆୟି ।

☆ ୫:୭ ମାଡ଼ିତ ୨୩:୧୨; ଲୁକ ୧୪:୧୧; ୧୮:୧୪.

☆ ୫:୧୨ ପ୍ରେରିତ ୧୫:୨୨, ୪୦.

☆ ୫:୧୩ ପ୍ରେରିତ ୧୨:୧୨, ୨୫; ୧୩:୧୩; ୧୫:୩୭-୩୯; କଲସାୟ ୪:୧୦; ଫିଲିମୋନ୍ ୧:୨୪.

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae